



正校  
續日本  
後紀  
九十



第十一號			
考備	月年	部全	別科
	明治	一	國
	年	〇	史
	月	冊	科

日  
八  
年  
美和七年

特別  
5  
8539  
5



特

門 5  
號 8539  
卷 5

續日本後紀卷第九 越七年正月盡十二月

太政大臣從一位臣藤原朝臣良房等奉 勅撰

七年春正月戊寅朔天皇御大極殿受朝賀禮  
畢宴侍從已上於紫宸殿賜御被○甲申天皇  
御紫宸殿垂珠簾覽青馬詔授三品秀良親王  
二品從三位藤原朝臣愛發正三位從四位上  
朝野宿禰鹿取正四位下無位世宗王從四位  
下正六位上美志真王長川王並從五位下正  
五位下橘朝臣岑繼從四位下從五位上官道

叙位

朝臣吉備麻呂長岑宿禰高名並正五位下從  
五位下伴宿禰成益佐伯宿禰利世並從五位  
上外從五位下山田宿禰古嗣正六位上平朝  
臣春香橘朝臣真直藤原朝臣春置橘朝臣貞  
雄藤原朝臣行經丹墀真人雄濱田口朝臣門  
長下毛野朝臣文繼當麻真人松成大神朝臣  
宗雄長岑宿禰秀名菅原宿禰豐道並從五位  
下正六位上山宿禰池作額田部湯坐連長良  
並外從五位下宴竟賜祿有差○乙酉於大極  
殿始修最勝會也是日授正六位上御春朝臣  
濱主從五位下無位高宗女王從五位上正五  
位下橘朝臣影子從四位下從五位上紀朝臣  
清子正五位下無位藤原朝臣潔子和氣朝臣  
數子並從五位上無位其南備真人真數清科  
朝臣殿子並從五位下○戊子天皇不豫也○  
庚寅地震○辛卯<sup>十四</sup>最勝會畢引名僧於內裏令  
論議訖施御被○癸巳<sup>十六</sup>天皇御紫宸殿不卷珠  
簾而宴侍從已上覽蹈歌畢賜祿有差○甲午<sup>十七</sup>

大納言正三位源朝臣常奉勅閱視六衛府射  
於豐樂院○丁酉內宴罷焉以聖躬龍蟠也○  
丁未以從五位下清原真人秋雄爲侍從從五  
位下藤原朝臣仲統爲右兵衛佐從五位下百  
濟王慶苑爲河內介從五位下豐前王爲參河  
守從五位下文室朝臣助雄爲遠江守外從五  
位下飯高公常比麻呂爲伊豆守從四位下  
正道王爲武藏守四品葛井親王爲常陸大守  
從五位上興世朝臣書主爲信濃守從五位下  
御春朝臣濱主爲鎮守府將軍從五位上藤原  
朝臣宮房爲出羽守從五位上有雄王爲越前  
守外從五位下山宿禰池作爲介從五位下長  
岑宿禰秀名爲越中介外從五位下高田宿禰  
家守爲越後介參議從四位上文室朝臣秋津  
爲兼丹後守春宮大夫右衛門督如故從五位  
下藤原朝臣良相爲兼因幡守內藏頭如故從  
五位下藤原朝臣行經爲石見守從四位下清  
原真人瀧雄爲美作守外從五位下紀宿禰福

吉為椽從四位上藤原朝臣濱主為安藝守從  
五位下菅野朝臣永岑為兼伊豫介主殿頭如  
故三品賀陽親王為太宰帥從五位下紀朝臣  
經麻呂為筑前守從五位下藤原朝臣板野麻  
呂為肥前守從五位上藤原朝臣貞守為兼豐  
前守春宮亮如故△二月戊申朔己酉天皇朝  
覲太上天皇及大皇太后於嵯峨院賜扈從群  
臣并院司祿有差○壬子以從五位下久賀朝  
臣三夏為雅樂頭從五位下小野朝臣宗成為

民部少輔從五位下在原朝臣仲平為兼刑部  
少輔駿河守如故從五位上清原真人遠賀為  
大膳大夫從五位下近棟王為正親正從五位  
下都督朝臣福人為左京亮○己未殊令左衛  
府夜行京城緣群盜遍起也○庚申令太宰府  
停止例進朴消○辛酉召流人小野篁○癸亥

陸奧國柴田郡權大領大部豐主伊具郡擬大  
毅陸奧真成等戶二烟賜姓阿倍陸奧臣同國  
人大部繼成等卅六人賜姓下毛野陸奧公勅

喚流人

庚午條之事  
類聚三代格  
十二官符之  
文有

喚流人伴有仁刀伎雄貞○戊辰參議左大辨  
從三位藤原朝臣常嗣去年遭母喪今日有勅  
起觀事○庚午勅如聞奸宄之賊寔蕃有徒或  
暗夜放火或白晝奪物靜言流弊情切納隍宜  
下知左右京職五畿內七道諸國嚴加督察搜  
認問望隨獲且進莫作留連○辛未勅京中高  
年隱居并飢病百姓等加賑恤○壬申相摸国  
大住郡大領外從七位上壬生直廣主代窮民  
輸私稻一萬六千束戶口增益五千三百五十

人褒此善狀假外從五位下○癸酉勅國家隆  
泰要在富民倉廩充實良由有年故耕耘時必  
致京垣之蕃稼穡候還招飢饉之憂農之爲道  
豈不昂歟去年炎旱作灾嘉穀彫萎百姓阻飢  
國用闕乏雖灾異之臻則是天道而庶民之愚  
恐有倦惰方今青陽入序俶載南畝勸課之事  
適在此時宜告五畿內諸國以農事隨時催勤  
莫致懈怠○甲戌夜中雷雨交切遣中使左近  
衛少將橘朝臣岑繼於嵯峨院右近衛中將藤

賜姓

原朝臣助於淳和院禊候先後太上天皇起居  
△三月丁丑朔己卯勅遣唐三箇船去年夏六  
月發今諸船廻來稍經年月伺候之事恐有懈  
怠宜命太宰府及緣海諸國爲未廻來第二船  
依例舉火候之○庚辰陸奥國瑯磨郡大領外  
正八位上勲八等丈部人磨戶一烟賜姓上毛  
野陸奥公○辛巳以從五位下藤原朝臣氏雄  
爲縫殿頭四品忠良親王爲兵部卿從四位下  
攝朝臣岑繼爲兼兵部大輔左近衛少將如故

除目

從五位上藤原朝臣官房爲少輔從五位下高  
原王爲伊豆守授正六位上和氣朝臣眞管從  
五位下即爲出羽守良吏之選也○壬午分遣  
六衛府搜捕京中盜竊○戊子俘夷物部斯波  
連宇賀奴不從逆類久効功勲因授外從五位  
下陸奥國磐城郡大領外正六位上勲八等磐  
城臣雄公遣即戎途忘身決勝居職以來勤修  
大橋廿四處溝池堰廿六處官舍正倉一百九  
十字宮城郡權大領外從六位上勲七等物部

庚寅條之事  
類聚三代格才  
八官符之文者

服制

已波美造私池溉公田八十餘町輸私稻一萬  
一千束賑公民依此公平並假外從五位下○  
庚寅勅去美和二年文殊會料所施之稻不足  
周急宜加舉正稅以其息利加之先數大上国  
各二千束中小国各千束永寃會料○乙未勅  
頃者風俗澆漓凋弊相属省費之術儉約是憑  
宜自今以後女所服裳夏之表紗冬中裙不論  
貴賤一切禁斷一裳之外不得重著京畿七道  
准制禁斷○辛丑陸奥国上奏發族兵之狀○

壬寅勅符陸奥守正五位下良朝臣木連前  
鎮守將軍外從五位下匝瑳宿禰末守等省今  
月十八日奏知發援兵二千人案奏狀云奥邑  
之民於<sup>稱</sup>庚申潰出之徒不能抑制是則懲於  
往事之所爲也自非固威何靜騷民事須調發  
援兵將候物情其糧料者用當處穀但上奏待  
報恐失梳事仍且奏者夫預備不虞古今不易  
之道也是以依請許之宜能制民夷兼施威德  
△四月丙午朔日有蝕之○丁未以從五位下



橋身氏卒

橋朝臣逸勢爲但馬權守○庚戌右京大夫從四位下橋朝臣弟氏卒○辛亥從五位下紀朝臣經磨爲但馬守從五位上文室朝臣宮田麻呂爲筑前守○癸丑請律師傳灯大法師靜安於清涼殿始行灌佛之事太宰府上奏遣唐知乘船事管原梶成等所駕第二船廻着於大隅國○庚申勅符太宰大貳從四位上南淵朝臣永河少貳從五位下文屋朝臣眞屋等得今月八日飛驒奏狀知遣唐知乘船事管原梶成等

始行灌佛

神位

分駕一雙小船廻着大隅國海畔梶成等漂入異域萬死更生久言苦節誠可矜恤迄于入都依舊勞來量賜布帛以資衣裳又准判官良峯長松所駕之船全否未期鬱陶于懷宜逾戒邊面無絕候伺若有來着俾得安穩○丙寅授肥後國從四位下勲五等健磐龍神從四位上餘如故筑前國從五位下竈門神筑後國從五位下高良玉垂神並從五位上又勲八等宗像神從五位下餘如故○丁卯頒行諸司百官改正

遺漏紕繆格式○戊辰太政官奏去美和五年十一月二日美濃國言管惠奈郡無人任使郡司暗拙是以大井驛家人馬共疲官倉顛仆曰茲坂本驛子悉逃諸使擁塞國司遣席田郡人國造真祖父令加教喻於是逃民更畝連蹤不絕遂率妻子各有本土夫見善不褒何以責成望請停史生一負特置驛吏預于把笏令得威勢至得其人爲終身任其公廩者給史生料勅減省官負頗非穩便宜史生數猶復舊例真祖父一身特聽任用從此而後不得更補其俸料者分析公廩給史生半分事力公廩田不在給限是日勅敬神如在視民如子因宰能事古今通規是以屢施條章觀彼治道而吏非公平民苦疾疫年穀不登飢饉荐臻論之政迹理合懲肅事天之則懈人之情也宜更下知五畿內七道諸國改既往之急成方來之勤巡行所部修造神社禰宜祝等若有怠者解却決罰一依前格年中修造之數別錄言上若三年之內遣使

藤原常嗣薨

○公卿補任云

母從五位下菅

池成女

覆檢猶有破壞者国司郡司科違勅罪參議左

大辨從三位藤原朝臣常嗣薨去延曆廿年遣

唐持節大使中納言正三位葛野麻呂第七子

也少遊大學涉獵史漢諳誦文選又好屬文第

能隸書立性明幹威儀可稱弘仁十一年初任

右京少進尋遷式部大丞十四年叙從五位下

出下野守不之任留任春宮亮俄遷右少辨天

長元年遷式部少輔尋兼勘解由次官三年叙

從五位上五年叙正五位下七年坐公事左遷

刑部少輔八年叙從四位下遷勘解由長官九

年兼下野守累兼右大辨加從四位上集和元

年改兼近江權守尋遷左大辨授正四位下四

年兼太宰權帥五年夏六月奉修聘時節使入

巨唐六年八月至自大唐近代父子相襲預專

對之選唯一門而已九月授從三位薨時年卅

五○庚午勅頃者炎旱未幾嘉苗殆枯奉幣松

尾賀茂乙訓貴布禰丹生川上雨師垂水等社

祈甘雨防風灾焉△五月丙子朔丁丑但馬国

○同書云  
弘仁十二年正月  
日補藏人  
十三年月日遷  
式部大丞

奉幣

国言

勅以下之事類  
原三代拾卷七八  
官符之文有

言養父郡兵庫鼓無故夜鳴聲聞數里又氣多  
郡兵庫鼓夜自鳴聲如行鼓勅內外之吏無祿  
之人夙夜服事身乏衣食因茲或兼牧宰猶直  
本任或拜外吏留身京華皆將潤以俸料令得  
代耕而諸國背忘舊貫便附遙授人諸使遂使  
公文惑於失錯貢物煩於麁惡非唯一身兩營  
復失辨成雜務宜下知五畿內七道諸國播殖  
黍稷菽麥大小豆及胡麻等類為救民急也○  
庚辰停五日節以後太上天皇不豫也散事從

停五日節

紀乙魚卒

淳和  
後皇天皇顧  
命葬具之事

四位下紀朝臣乙魚卒○辛巳後太上天皇顧  
命皇太子曰予素不尚華飾况擾耗人物乎斂  
葬之具一切從薄朝例凶具固辭奉還葬畢釋  
纓莫煩國人葬者藏也欲人不觀送葬之辰宜  
用夜漏追福之事同須儉約又國忌者雖義在  
追遠而絆苦有司又歲竟分絲號曰荷前論之  
幽明有煩無益並須停狀必達朝家夫人子之  
道遵教為先奉以行之不得違失重命曰予聞  
人歿精魂既天而空存冢墓鬼物憑焉終乃為

淳和  
後天皇崩

崇長貽後累今宜碎骨爲粉散之山中於是中  
納言藤原朝臣吉野奏言昔宇治稚彥皇子者  
我朝之賢明也此皇子遺教自使散骨後世效  
之然是親王之事而非帝王之迹我國自上古  
不起山陵所未聞也山陵猶宗廟也縱無宗廟  
者臣子何處仰於是更報命曰予氣力綿愒不  
能論決啣等奏聞嵯峨聖皇以蒙裁耳○癸未  
後太上天皇崩于淳和院春秋五十九勅遣左  
近衛少將從五位上佐伯宿禰利世於近江國  
左衛門權佐從五位下田口朝臣房富於伊勢  
國右近衛府生大初位下常澄宿禰氏繼於美  
濃國同守之關但美濃國命守從四位下笠朝  
臣廣庭便固關門以正三位藤原朝臣吉野從  
三位源朝臣定正四位下三原朝臣春上正四  
位下源朝臣弘從四位上藤原朝臣衛從四位  
下紀朝臣長江正五位下藤原朝臣輔嗣正五  
位下藤原朝臣嗣宗外從五位下清內宿禰御  
園六位已下三人爲裝束司正三位藤原朝臣

愛發從三位藤原朝臣繼業從四位上文室朝  
臣秋津從四位上源朝臣明從四位上源朝臣  
寬從四位下和氣朝臣仲世從五位下林朝臣  
常繼六位已下四人爲山作司從四位下岑成  
王從五位下廣宗宿禰系繼六位已下三人爲  
養役夫司從五位下近棟王外從五位下秦宿  
禰真仲六位已下二人爲作路司正三位藤原  
朝臣愛發爲御前次第司長官從五位上藤原  
朝臣宗成爲次官判官二人主典二人從四位

上文室朝臣秋津爲御後次第司長從四位下  
文室朝臣名繼爲次官判官二人主典二人以  
絹五百匹細布百端調布千端商布二千段錢  
五百貫鐵八十挺釜二百口白米百斛黑米百  
斛奉宛御葬料發五畿內及近江丹波等国夫  
一千五百人以供御葬所是日於建禮門南庭  
放弃鷹鷄籠中小鳥等令五畿內七道諸国始  
自九日未四尅国郡官司著素服於廳前舉哀  
三日每日三度○甲申令參議從四位下刑部

誅謚

卿安倍朝臣安仁上太上天皇誅謚誅曰畏哉  
護國而御坐志天皇乃天津日嗣乃御名乃事  
乎恐美恐母誅白臣來畏哉日本根子天皇乃

天地止共長久日月止共遠久所白將往御謚

止稱白久日本根子天高讓彌遠尊止稱白久

恐美恐母誅白臣來天皇於清涼殿著素服遠以

江贊布奉哀泣殊甚為人之後者為其子故也

近習臣權中納言藤原朝臣良房等以下於殿

下舉哀右大臣藤原朝臣三守率公卿百官及

刀禰等於會昌門前庭舉三日每日三度○戊

子勅遣左近衛少將從四位下橘朝臣岑繼及

四衛府監尉志已下三十二人於淳和院監護

裝束山作養民司等遺詔不受矣此文奉葬後

太上天皇於山城国乙訓郡物集村御骨碎粉

奉散大原野西山嶺上○己丑修後太上天皇

初七誦經於京邊七箇寺○庚寅固近江国關

使復命○壬辰右大臣從二位藤原朝臣三守

已下十一人奏言臣聞天下大器群生重畜一

奉葬御骨碎粉

藤原三守奏言

日萬梳不可暫曠是以周誓牧野猶抑荼毒之心漢聽德陽復緩斬縗之慟伏惟陛下至孝過禮痛深衣冠泣血攀號不莅朝位臣等謹見遺制曰葬畢釋縗莫煩困人者伏願釋凶服而垂冕旒割哀襟而塞黻纘則上遵遺詔下叶舊章豫羨綸音宣告內外不任懇情之至謹詣闕奉表以聞○癸巳固伊勢美濃關使等復命○甲午詔曰比者昊穹不吊後太上天皇登遐龍髯之駕方遙鳳紼之行靡反朕甫鍾災疾痛結荒衿懷荼蓼以纏心悲制苴菓而展禮夫慎終追遠日有通規以日易月唯稱權變而莖訖釋縗載在遺訓群公虔奉確請莫違憑几之言理難拒忤至公之議抑當有徇故今屈因心從權奪宜告中外俾知此意○乙未京中飢病以飯米錢賑給之○丙申遣使於左右京賑給以當後太上天皇二七日也○丁酉勅後太上天皇崩後国忌荷前陵戶等事宜遵遺制以停奉行焉○戊戌天皇除素服著堅絹御冠椽深御衣以



賜姓

柏原山陵崇

臨朝也御簾及屏風之緣並用墨染細布但御座者施簾於砥礪之上不立御榻○庚子攝津國飢賑給之△六月乙巳朔右京人正六位上磯原朝臣諸宗等廿八人賜姓文室真人○丁未入唐請益僧傳灯大法師位常曉言山城國宇治郡法琳寺地勢閑燥足修大法望請今般自大唐奉請太元師靈像秘法安置此處為修法院保護國家不關講讀師之攝許之○乙酉<sup>五</sup>物恠見于內裏柏原山陵為崇遣中納言正三位藤原朝臣愛發等於山陵祈禱焉遣唐第二船知乘船事正六位上菅原朝臣梶成等海中遇逆風漂著南海賊地相戰之時所得兵器五尺鉾一枚片蓋鞘橫佩一柄箭一雙賣來獻之並不似中國兵仗○辛亥<sup>七</sup>設百高座於宮中令講仁王經為攘中外妖祥也晚頭講畢布施法有差<sup>外記日記云不行衆僧</sup>○癸丑<sup>九</sup>勅比來元陽涉旬陰雨不下不預祈禱恐損國家宜奉幣於貴布禰丹生川上雨師諸社祈霈澤於名山

大川若狹國人外從五位下  
宗人朝臣恒磨散位正六位上  
宗人朝臣繼成等改本居貫附左京七條二坊○甲寅以參議從四位下  
安倍朝臣安仁爲兼左大辨刑部卿如故從四位上  
笠朝臣梁磨爲大舍人頭從五位下  
藤原朝臣行經爲縫殿頭從五位下  
藤原朝臣諸成爲式部少輔從五位上  
藤原朝臣菊池磨爲治部大輔從五位上  
藤原朝臣宮房爲民部少輔從五位下  
菅原朝臣善主爲兵部少輔從五位上  
小野朝臣宗成爲大藏大輔從五位上  
足野王爲宮內大輔從五位下  
清瀧朝臣河根爲少輔三品阿保親王爲彈正尹從五位下  
丹墀真人雄濱爲小弼從四位下  
田口朝臣佐波主爲右京大夫從四位下  
和氣朝臣仲世爲勘解由長官從四位下  
橘朝臣岑繼爲兼左近衛中將兵部大輔如故從五位下  
藤原朝臣良相爲兼左近衛少將  
丹藏頭如故從五位下  
藤原朝臣氏宗爲右近衛少將從五位下  
野長王爲左兵庫頭外

從五位下飯高公常比磨爲遠江介從五位下  
攝朝臣宗雄爲下總介從五位下小野朝臣千  
株爲出羽守從五位下藤原朝臣氏雄爲石見  
守從五位上山名王爲阿波守丹後國人散位  
從八位上時統宿禰全氏諸兄等廿人改本居  
貫附二條二坊○丁巳勅去年秋稼不登諸國  
告飢今茲疫病間發矢傷未弭加以季夏不雨  
嘉苗擬焦夫銷殃受祐必資般若之力護國安  
民事由修善之功宜命五畿內七箇日晝轉大

般若經夜修藥師悔過長官精進必致靈感修  
善之間禁斷殺生○戊午同亦行讀經悔過於  
十五大寺兼城外崇山諸有驗之寺皆悉通傳  
修之一七日夜爲限若山寺大般若經不在之  
處令轉金剛般若經○己未奉幣帛於伊勢大  
神宮及賀茂上下松尾等社祈霑澤又令丹外  
諸國奉幣神祇祈請甘雨○庚申詔曰哲后撫  
運寔約己而臨人明王會昌必推心而濟物是  
以義農隔代同期於勤勞勩萃殊時共均於愛

育朕祗膺景命嗣守丕基日慎塞懷不以九重  
自樂夕惕興想每以億兆爲憂而政化未孚至  
誠靡達去年陰陽并隔秋稼弗登頃者偏亢淹  
旬藝殖或損如聞諸國飢疫徃々喪亡朕之菲  
虛黎元何罪仰誓前烈德是除邪內求諸心抑  
可挹損其朕服御物并常膳等並宜省減左右  
馬寮秣穀一切權絕諸作役非要者量事且停  
柩圍之中恐有寃者速命所司申慮放出加之  
天下諸國有水之處任命百姓灌溉先貧後富  
鰥寡孤獨不能自存者量加賑贍其卧病之徒  
無人視養多夭折凡國郡司爲民父母而不顧  
念豈稱子育宜就班穀藥令得存濟又免除五  
畿內七道諸國去兼和二年以徃調庸未進在  
民身者但東海東山山陽三道驛戶田租限三  
箇年殊從原免庶油雲布族施其澤於十旬嘉  
苗且原貯京城於萬畝普告遐邇俾知朕意○  
辛酉流人小野篁入京披黃衣以拜謝是日夜  
分雨稍降○壬戌大雨快降太宰府馳驛奏遣

官社

唐第二船准判官從六位下良岑朝臣長松等  
廸著大隅国○甲子以陰陽頭從五位上大春  
日朝臣公守為土左權守又擇諸司史生高年  
者七人其歷名賜式部者令除近江播磨備前  
等国權史生恤老也播磨国揖保郡家嶋神赤  
穗郡八保神並為官社○丙寅太政官左大臣  
正二位藤原朝臣緒嗣右大臣從二位皇太子  
傳藤原朝臣三守等奏曰伏奉今月十六日詔  
書備去年陰陽并隔秋稼不登頃者偏冗淹旬  
藝殖或損御物并常膳等並宜減省者群臣跪  
讀不勝感歎但思渙俄出耳澤平施鳳吟叔黃  
龍原布綠神明不遠感應孔照率土之濱誰不  
歡慶昔夏帝之解陽肝殷王之禱桑林以古况  
今抑須慙德臣等忝以散樗叨廁槐棘道非匡  
贊功謝緝熙規懼之至倍百恒情今者帝念猶

丹後国人武散位從八位上時統宿禰全氏男諸兄等廿人改本居貫  
附左京二條二坊 田作統從後

右天裁の下備中今の上入後上上既至てまゝか異もあつていづれも  
そつ割之きさつと定むる抄とわく後去へり傳記ありのみ

官社

唐第二船准判官從六位下良岑朝臣長松等  
廸著大隅國○甲子以陰陽頭從五位上大春  
日朝臣公守爲土左權守又擇諸司史生高年  
者七人其歷名賜式部者令除近江播磨備前  
等國權史生恤老也播磨國揖保郡家嶋神赤  
穗郡八保神並爲官社○丙寅太政官左大臣  
正二位藤原朝臣緒嗣右大臣從二位皇太子  
傳藤原朝臣三守等奏曰伏奉今月十六日詔  
書備去年陰陽并隔秋稼不登頃者偏亢淹旬  
蕪殖或損御物并常膳等並宜減省者群臣跪  
讀不勝感歎但思渙俄出耳澤平施鳳吟叔黃  
龍原布綠神明不遠感應孔照率土之濱誰不  
歡慶昔夏帝之解陽肝殷王之禱桑林以古况  
今抑須慙德臣等忝以散樗叨廁槐棘道非匡  
贊功謝緝熙覲懼之至倍百恒情今者帝念猶  
勞於上臣心何安於下埃塵不讓泰山居仰止  
之庭涓澮无辭臣海作朝宗之府伏望暫減五  
位已上封祿以支萬一焉伏聽天裁備中介外

賜姓

神位

從五位下余何成右京大屬正六位下余禍成  
等三人賜姓百濟朝臣其先百濟國人也○戊  
辰奉授遠江國周智郡無位小國天神磐田郡  
無位矢奈比賣天神並從五位下○庚午勅報  
公卿論奏曰運鍾季俗道謝潛通丹未諸己政  
術多昧去年炎旱鳴蟬之稔不昇今夏騫陽封  
蟻之徵欲缺而上天反異惟神降休雨師俄奔  
於四溟耳澤終遍於八極是則卿等能施變復  
以申弼諧感動彼蒼用招變理之所致也卿等  
贊揚嘉應歸于朕躬朕之涼德何以當之且夫  
年豐不効職朕之由蓄害仍臻何關輔相况大  
夫等或在屢空之地不能濟家或絕兼遂之心  
所持唯釋所以此般省撤獨止一人而卿等輸  
以丹誠折封減祿驅之朱紱蹙私助公惟雖知  
懷固乖予意是以來表請之特以不容是日制  
住西寺僧等自今以後簡廿臘以上熟學之僧  
智行兼備衆所推讓者令住寺家永爲恒例○  
壬申公卿等重奏曰伏奉綸旨恩發紫庭損上

之美獨遠德重黃屋益下之道愈光所請祿封  
未被減省夫周后雲漢鄭伯桑山空間其祈不  
見其驗今皇天報應離畢滂沱動植飛沉無水  
不霑潤猶且乾々在慮納隍之勞良深孳々責  
躬濟物之仁至廣臣等伏惟斗筭謬叨匪據觀  
天猶暗在陸如泥何贊皇猷應備彼相而運遇  
昌期觀聖化之無外時屬交泰禱民天之有年  
但君唱臣隨上行下化古今一揆寧得闕如未  
有主上憂勤臣下逸樂者也伏望五位已上封  
祿暫從省約遵涓流而添溟海持爝火而助太  
陽權中納言從三位藤原朝臣良房奉綸旨報  
命曰頻省來表具之懇情宜食封之家依請減  
之人別四分之一但四位五位秩祿惟薄今年  
之間不可減省○癸酉勅頃者澍雨頻降嘉穀  
滋茂如有風災恐損農業宜令五畿丹七道諸  
國奉幣於名神豫防風雨焉△秋七月甲戌朔  
戊寅奉幣帛於伊勢太神宮以祈秋實也以播  
磨国揖保郡大道寺賀茂郡清妙寺觀音寺並



藤原三守薨

為天台別院○庚辰右大臣從二位皇太子傳  
藤原朝臣三守薨使參議從四位下左大辨安  
倍朝臣安仁式部大輔從四位下藤原朝臣衛  
散位從五位上藤原朝臣宗成中務少輔從五  
位下笠朝臣數道等監護喪事大臣者參議從  
三位巨勢朝臣磨之孫而阿波守從五位上真  
作之第五子也大同元年五月自五月主藏正累遷美作同日公  
權掾權介內藏助四年叙從五位下拜右近衛  
少將弘仁元年加從五位上尋任內藏頭春官

公  
母御井朝臣氏

亮四五年累加授從四位下拜式部大輔累遷  
左兵衛督七年兼但馬守俄拜參議九年兼春  
官大夫十一年授從四位上是歲加正四位下  
十二年授從三位權中納言十三年兼皇后宮  
大夫十四年補中納言加正三位天皇禪國之  
後辭退侍于嵯峨院天長三年除刑部卿五年  
拜大納言兼兵部卿七年兼彈正尹十年授從  
二位兼皇太子傳兼和五年拜右大臣年五十  
六薨于位遣參議從四位上春官大夫右衛門

神位

降目

督文屋朝臣秋津民部大輔從四位下百濟王  
 慶仲等就第宜詔贈從一位三守早入大學受  
 習五經暨先太上天皇踐祚之日以蕃邸之舊  
 臣殊賜榮寵焉立性溫恭兼明決斷招引詩人  
 接杯促席叅朝之次有一兩學徒遇諸塗必下  
 馬而過之以此當時著稱至于諸操見公卿傳  
 矣○癸未令五畿內七道諸國諒闇之間停釋  
 奠祭○甲午天皇御紫宸殿始覽萬機○乙未  
 奉授肥後國阿蘇郡從四位上勳五等健磐龍  
 神從三位餘如故以正五位下楠野王為中務  
 大輔從五位下藤原朝臣並藤為陰陽頭從五  
 位下高階真人清上為治部少輔正五位下藤  
 原朝臣輔嗣為越前守從四位下紀朝臣長江  
 為備中守○己亥奉授出羽國飽海郡正五位  
 下勳五等大物忌神從四位下餘如故兼宛神  
 封二戶詔曰天皇我詔旨余坐大物忌大神余  
 申賜波頃皇朝余緣有物恠天卜詢余大神為  
 崇賜倍加以遣唐使第二船人等廻來申久去

神位

大凡

官社

年八月尔南賊境尔漂落氏相戰時彼衆我寡  
氏力甚不敵奈儻而克敵留似有神助止申今  
 依此事氏臆量尔去年出羽國言上留大神乃  
 於雲裏氏十日聞作戰聲後尔兵石零利申世  
 之月日與南海戰間正是符契利大神乃威稜  
 令遠被留事乎且奉驚異且奉歡喜故以從四  
 位爵乎奉授兩戶之封奉充乎良久申賜久申波○  
 庚子以肥後国玉名郡疋石神預官社焉○辛  
 丑勅正月金光明會讀師以持律持經及久修  
 練行禪師輪轉請用△八月甲辰朔辛亥詔以  
 大納言正三位源朝臣常為右大臣中納言正  
 三位藤原朝臣愛發為大納言權中納言從三  
 位藤原朝臣良房為中納言丹波守從四位下  
 正躬王右兼大兼從四位上和氣朝臣真經並  
 為參議先是參議從三位中務卿源朝臣定上  
 表乞退所職是日參議中務卿職依請許之但  
 別勅令食封百戶○戊午左大臣正二位藤原  
 朝臣緒嗣上表辭職不許其表文多不載○己

除目

公卿補任云  
 右大臣 正三 源常  
 八月廿任元大納言  
 左大臣 正三 藤原房  
 中納言 從三 藤原房  
 八月廿轉正左兵衛  
 督按察使如元  
 參議 從平 正躬王  
 八月廿任丹波守如  
 元 右大臣 大兼丹波守  
 日 從四 和氣直經  
 八月廿任兼右大臣

表

賜姓

叙位

除目

未大和国人户主從八位上大和宿禰吉繼户  
 口掌侍從四位下大和宿禰館子等賜姓朝臣  
 貫附左京三條一坊中納言兼右近衛大將從  
 三位橘朝臣氏公上表請禡宿衛職不許○甲  
 子左大臣正二位藤原朝臣緒嗣重抗表辭退  
 不許○乙丑授正五位下藤原朝臣嗣宗從四  
 位下正六位上文室朝臣有真從五位下以從  
 五位上良岑朝臣高行爲左中辨從五位上伴  
 宿禰成益爲右中辨美濃介如故從四位下紀  
 朝臣長江爲民部大輔外從五位下伴宿禰真  
 足爲主計助從五位下藤原朝臣安永爲兵部  
 少輔從四位上平朝臣高棟爲刑部卿從五位  
 下小野朝臣永道爲少輔從四位上滋野朝臣  
 負主爲大藏卿正三位源朝臣常爲東宮傳右  
 大臣左近衛大將如故正五位下長岑宿禰高  
 名爲山城守從五位下菅原朝臣善主爲伊勢  
 權介從五位下文室朝臣有真爲出羽守從四  
 位下藤原朝臣嗣宗爲越前守從四位上笠朝

臣梁麻呂爲丹波守從五位下小野朝臣千株  
爲備中守△九月癸酉朔丁丑太政官議奏彈  
正臺巡檢之日命左右京職祇兼官人下馬事  
臺言巡察之日祇兼官人被勘當時下馬者行  
來尚矣而比年左下右不下因問明法博士荅  
曰勘與見勘何無分別但無正文可請官裁者  
今案職負令弼以下巡察彈正已上掌巡察并  
外糾彈非違又京職式云彈正巡檢之日官人  
一人史生將坊長兵士等祇兼者右大臣宜奉  
勅忠及巡察彈正巡檢之日京職進屬勿勞下  
馬並須馬上兼其勘當弼如行事者六位已下  
職司等一切下馬但史生坊令身帶六位雖逢  
忠已下猶尚下馬○庚辰以伊豫國溫泉郡定  
額寺爲天台別院○辛巳廢重陽節諒闇也○  
癸未遣使奉幣帛於伊勢太神宮例也○乙酉  
奉授越前國從二位勳一等氣比太神之御子  
無位天利劔神天比女若御子神天伊佐奈彥  
神並從五位下○丁亥太宰府言對馬嶋司言

神位

叙位

遙海之事風波危險年中貢調四度公文屢逢  
湮沒傳聞新羅船能凌波行望請新羅船六隻  
之中分給一雙聽之○辛卯授正六位上三國  
真人永繼從五位下○壬辰近江國人美濃國  
大掾正六位上安吉勝真道男澤雄等五人貫  
附右京三條廢太宰府大主城一負更置主厨  
主船二負○癸巳太宰府言在肥後國阿蘇郡  
健磐龍命神靈池洪水大旱未嘗增減而涸端  
冊丈○乙未伊豆國言賀茂郡有造作嶋大名

伊豆國阿波神  
物忌奈乃神

上津嶋此嶋坐阿波神是三嶋大社本后也又  
坐物忌奈乃命即前社御子神也新作宮四院  
石室二間屋二間閤室十三臺上津嶋本體草  
木繁茂東南北方巖峻峭崿人船不到繞西面  
有泊宿之濱今成燒崩與海共成陸地并沙濱  
二千許町其嶋東北角有新造神院其中有壘  
高五百許丈基周八百許丈其形如伏鉢東方  
片岸有階四重青黃赤白色沙次第敷之其上  
有一閤室高四許丈次南海邊有一石室各長

十許丈廣四許丈高三許丈其裏五色稜石屏  
風立之巖伐波山川飛雲其形微妙難名其前  
懸來纈軟障即有美麗濱以五色沙成修次南  
傍有一礖如立屏風其色三分之二悉金色矣  
眩曜之狀不可敢記亦東南角有新造院周垣  
二重以堊築固各高二許丈廣一許丈南面有  
二門其中央有一壑周六百許丈高五百許丈  
其南片岸有十二閣室八臺南面四基西面四  
基周各廿許丈高十二許丈其上階東有屋一  
基瓷玉瓦形葺造之長十許丈廣四許丈高六  
許丈其壁以白石立周則南面有一戶其西方  
有一屋以黑瓦葺作之其壁塗赤土東面有一  
戶院裏礫砂皆悉金色又西北角有新作院周  
垣未究作其中有二壑基周各八百許丈高六  
百許丈其體如兔伏南片岸有階二重以白沙  
敷之其頂平麗也從北角至于未申角長十二  
許里廣五許里皆悉成沙濱從戌亥角至于丑  
寅角長八許里廣五許里同成沙濱此二院元

是大海又山岑有一院一門其頂有如人坐形  
石高十許丈右手把劍左手持杵其後有侍者  
跪瞻貴主其邊嵯峨不可通達自餘雜物燎燄  
未止不能具注去義和五年七月五日夜出火  
上津嶋左右海中燒炎如野火十二童子相接  
取炬下海附火諸童子履潮如地入地如水震  
上大石以火燒摧炎煬達天其狀朦朧所々燄  
飛其間經旬雨灰滿部仍召集諸祝刀禰等卜  
求其崇云阿波神者三嶋大社本后五子相生  
而後后授賜冠位我本后未預其色因茲我殊  
示恠異將預冠位若禰宜祝等不申此崇者出  
麓火將亡禰宜等国郡司不勞者將亡国郡司  
若成我所欲者天下国郡平安令產業豐登今  
年七月十二日眇望彼雲嶋烟覆四面都不見  
狀漸比戾近雲霧霽朗神作院岳等之類露見  
其貌斯乃神明之所感也○戊戌定入唐廸使  
判官已下水手已上三百九十一人之等第九  
階十二人八階卅九人七階五十九人六階百



神位

二日蝕

皇太子御膳減四分一

紀深江卒

廿九人五階百卅四人四階二人三階一人不加階五人○庚子贈大僧都傳灯大法師位豐安僧正以少僧都傳灯大法師位泰景為大僧都律師傳灯大法師位實惠為少僧都○辛丑奉授越中国礪波郡從四位下高瀨神射水郡二上神並從四位上△冬十月癸卯朔甲辰日有蝕之○丙午皇太子御膳准弘仁九年例每物減四分之一以旱也○丁未伊豫国守從四位上紀朝臣深江卒右京人也贈右大臣從二位

神位

位胤守朝臣之孫從四位下田上之子也少遊大學略涉史書自文章生為大學少允主稅助式部少丞弘仁末叙從五位下天長中拜左兵衛權佐俄轉佐漸至左近衛少將兼備中守尋授正五位上兼和初叙從四位下遷兵部大輔後出伊豫守任季入京有治名擢授從四位上性寬和不勤於事所履行百姓安之遠近稱之為順吏未得替而卒于時年五十一○己酉奉授正五位下丹生川上雨師神正五位上无位

同上

除目

水分神從五位下○甲寅地震○丙辰奉授無  
 位阿波神物忌奈乃命並從五位下以伊豆國  
 造嶋靈驗也○戊午以參議正四位下三原朝  
 臣春上為兼彈正大弼伊勢守如故從四位下  
 高枝王為大舍人頭從五位下文室朝臣氏雄  
 為兼駿河守內匠頭如故○癸亥分遣御被誦  
 經於京下七寺以聖躬不豫也○甲子授無位  
 藤原朝臣平雄從五位下○戊辰天中西方有  
 聲如鼓一聲而止△十一月癸酉朔丁丑以從

叙位

官社

橘姓改賜

四位上刑部大輔大枝朝臣總成爲伊豫守○  
 庚辰對馬嶋和多都美御子神波良波神都都  
 知神銀山神並預官社○辛巳勅橘戶蝮橘橘  
 連伴橘連橘守橘等六姓與橘朝臣相涉宜賜  
 椿戶蝮椿椿連伴椿連椿守椿等自餘以橘字  
 爲姓之類亦以椿換之○癸未從五位下丹墀  
 真人雄濱爲美作介○辛卯新嘗會也不御中  
 院齋場令諸司行神今食事○戊子以在志摩  
 國答志嶋賜無位常康親王○辛丑以從五位

百濟王教率

下安倍朝臣濱成爲散位頭從五位下丹墀真人門成爲彈正少弼從四位下百濟王教法卒桓武天皇之女御也△十二月癸卯朔改駿河國駿河郡永藏驛家遷置于伊豆國田方郡以駿河郡特帶三驛百姓殊苦重役也○己酉遣使於伊勢太神宮宣詔曰頃月之間御心有所思將奉供幣帛而國家諒闇不果御意加之今年在肥後國神靈池涸盡卅餘丈足以爲國異因茲令祈禱之先是伊勢國桑名郡多度神宮

六年正月己卯  
爲一院  
作祖國

寺爲天台別院今停之○庚申授正六位上  
岑朝臣長松從五位下○己巳武藏國加美郡人散位正七位上勲七等檜前舍人直由加磨男女十人貫附左京六條與土師氏同祖也太宰府言藩外新羅臣張寶高遣使獻方物即從鎮西追却焉爲人臣無境外之交也

續日本後紀卷第九

續日本後紀卷第十起八年正月盡十二月

太政大臣從一位臣藤原朝臣良房等奉 勅撰

八年春正月壬申朔廢朝賀諒闇也○乙亥天

皇御紫宸殿皇太子入觀是日延五十八僧於

清涼殿請僧卅九口畫讀藥師經夜結界悔過

○戊寅讀經畢施衆僧物及度者各一人○己

卯大極殿最勝會之初也○壬午授無位源朝

臣貞姬源朝臣更姬並從四位上○甲申授從

五位上良岑朝臣高行正五位下正六位上弘

叙位

叙位

宗王橘朝臣永範南淵朝臣年名藤原朝臣好雄清瀧朝臣藤根坂本朝臣鷹野並從五位下以參議從四位下正躬王為兼大和守南大辨從四位上橘朝臣氏人為兼尾張守左京大夫如故正四位下文室真人名繼為下總介從五位上紀朝臣諸繼為美濃守從五位下藤原朝臣氏宗為兼介右少辨右近衛少將如故從五位上藤原朝臣貞守為兼信濃介春宮亮如故正五位下良岑朝臣高行為陸奧守從

位下坂本朝臣鷹野為越中介從五位下近衛王為丹波權守從五位下藤原朝臣好雄為因幡權介從五位下清岑朝臣宿稱門繼為備後守從五位下都努朝臣福人為周防守從五位下弘宗王為長門守從四位上滋野朝臣自主為兼讚岐守大藏卿如故從五位下長岑宿禰秀名為介從五位下南淵朝臣年名為筑前守從五位下清瀧朝臣藤根為筑後守從五位下藤原朝臣正雄為肥前守從五位下大春日朝臣良

神位

棟爲豐前守外從五位下秦宿禰氏繼爲日向  
守○乙酉最勝會訖更引其會名僧十餘人於  
禁中令論議畢施御被左右兵衛府言檢舊例  
夜行御馬本寮飼丁控持朱雀門下待時乘騎  
巡檢城中而去弘仁年中被配此府其後所行  
御馬隨死請替請替之間徒經數日望請依舊  
例復本寮者許之○癸巳奉授坐陸奥国白河  
郡勲十等都々古和氣神從五位下餘如故後  
正六位上御長真人近人從五位下○甲午

除目

唐陰陽師兼陰陽請益正八位上春苑宿禰主  
成在唐間得難義一卷令陰陽寮諸生傳學△  
二月壬寅朔丁未以從五位下嶋江王爲大監  
物從五位上石作王爲諸陵頭從五位下橘朝  
臣海雄爲民部少輔外從五位下伴宿禰真定  
爲主稅頭從五位上藤原朝臣官房爲刑部大  
輔從五位下御長真人近人爲木工頭從五位  
下高階真人黑雄爲造酒正從五位上佐伯宿  
禰春海爲左京亮從四位下善通朝臣真負爲

東官學士從五位下都努朝臣福人為兼鑄錢  
長官周防守如故從五位上藤原朝臣自主為  
近江介外從五位下御輔朝臣真男為淡路守  
外從五位下讚岐朝臣永直為兼阿波權掾大  
判事勘解由次官如故○戊申少僧都大法師  
位實惠言在紀伊國伊都郡高野山金剛峯寺  
去美和二年二月卅日預定額畢今在深山無  
有灯明料也望請准定額諸寺被施灯分并共  
養佛聖二座許之○己酉備前國邑久郡家二

高野山

名神

神預名神焉以山城國相樂郡山四町為增太  
政大臣正一位橘朝臣清友墓地武藏國田五  
百七町奉充嵯峨院○甲寅出羽國百姓二萬  
六百六十八人賜復一年以年穀不登飢饉相  
仍也信濃國言地震其聲如雷一夜間凡九十  
四度墻屋倒頽公私共損○乙卯勅天平勝寶  
四年騰勅符云先禁斷寺邊殺生畢今如聞時  
序稍遠禁斷遂薄若違犯者即以違勅論者春  
蒐秋獮釣而不網事不得已期于止殺况乎仁

祠之邊精舍之前從來解脫之界非是漁獵之地如聞勢家豪民無憚憲章國宰講師不存檢校遂使寺內馳馬佛前屠禽如此淫濫不可勝言夫妖孽之臻不必自天民自取焉可爲太息宜重下知五畿內七道諸國司嚴令禁斷寺邊二里殺生如有犯者六位已下科違勅罪五位已上錄名言上不得阿容式部省言式云諸國博士醫師解任之後各還本司令熟本業若望更任者聽之不勞覆試其被試及弟既任遭喪者服闋之後復任滿歷但不經試者不在此限省依式文喪解之所不補他人服闋之後令遂其歷因茲教授醫療一年曠職謹案式云官省判補雜色之輩遭喪解任若有才用者聽奪情望請不待服闋特從復任者許之可其先得試復更任者亦同此例○丙寅太政官處分以西市東北角空閑地方十五丈為右坊城出舉錢所○戊辰太政官仰太宰府云新羅人張寶高去年十二月進馬鞭等寶高是爲他臣敢輒致



手申朔之條類  
要式格才官  
符文有

貢替之舊章不合物宜以禮防閑早從返却其  
隨身物者任聽民間令得交關但莫令人民違  
失沽價競頌家質亦加優恤給程糧並依兼前  
之例△三月壬申朔<sup>判</sup>勅大和國添上郡春日大  
神々山之內狩獵伐木等事令當國郡司殊加  
禁制○癸酉陸奧國柴田郡權大領外從六位  
下勲七等阿倍陸奧臣豐主黑川郡領外從六  
位下勲八等靱伴連黑成江刺郡擬大領外從  
八位下勲八等上毛野膽澤公毛人等並借授

孝子

外從五位下皆由國司褒舉也右京人孝子衣  
縫造金繼女居住河內國志紀郡年十二歲始  
失親父泣血過人服闋之後親母許嫁而竊出  
住於父墓且夕哀慟母不復謂嫁事其後還來  
定省每父忌日齋食讀經累年不息至冬節則  
母子買雜材惠賀河構借橋惣十五箇年母年  
八十而死哀聲不絕常守墳墓深信佛法焚香  
送終勅叙三階終身免戶內租旌表門閭令衆  
庶知○戊寅勅蔭孫正七位上和氣朝臣貞臣

除目

宜特補文章得業生○<sup>九</sup>庚辰始置采女司史生  
二員○<sup>廿日</sup>辛卯以大納言正三位藤原朝臣愛發  
為兼民部卿從五位下藤原朝臣板野麻呂為  
散位頭從五位下安倍朝臣濱成為典藥頭從  
五位下美志真王為正親正從五位下惟良宿  
禰負道為兼伊勢介圖書頭如故○壬辰散位  
從四位上藤原朝臣文山卒○丙申散事從三  
位大原真人淨子薨○己亥詔曰聖哲凝範應  
天心以運行昊穹演鑒隨人事而通感故殷王

藤原文山卒

大原淨子薨

修德柔穀自枯宋景崇善法星遽退朕以寡昧  
祗膺寶圖虛己勵精日慎一日先王經國之道  
永言涉求列聖綏民之方載深追採期可以人  
無疵癘也致雍熙而明信未孚咎徵斯應太宰  
府言肥後國阿蘇郡神靈池洪水盈科歷水旱  
以自若而今無故涸滅卅丈靜思厥咎朕甚懼  
焉詢之蕃龜告以旱疫今欲因循往烈明象所  
規施以德政防茲災眚宜每寺齋戒共致薰修  
每社奉幣式祈靈祐天下蒸民今年雜徭縱雖

七

事多莫過廿日至於有閑逾亦省之繆寡惻獨  
不能自存者量加賑濟凡厥國宰咸自策勉詳  
求人瘼使無寃滯且夫旱暵之來或關恒數自  
非巨變唯在勤救而已宜修理陂池勿乏溉灌  
又太宰府者匪亶古來鎮邊之區兼復當時恠  
見之地也最須先慎以備不虞布告遐邇俾知  
朕意○庚子民部省言主計寮解俾貢調之期  
越前國元十一月爲期依養和三年十一月廿  
三日符明年二月爲期越中國元十一月爲期  
依天長八年十月十五日符明年二月爲期能  
登國元十一月爲期依天長十年十月十六日  
符明年二月爲期讚岐國元十一月爲期依天  
長七年十一月十七日符明年二月爲期長門  
國元正月爲期依天長四年二月十二日符四  
月爲期件五箇國不據令條申改常期逾致延  
悞既虧國用望請復舊定限依期令貢者許之  
△夏四月辛丑朔日有蝕之○壬寅勅神明之  
感非信不通帝王之功非道何達宜仰五畿內

除目

七道諸国令国司講師相共齋戒於部内諸寺  
轉讀金剛般若經度使紫宸增寶管之長赤縣  
絶夭折之患兼復風雨調適年穀豐登○癸卯  
日色赤如血須臾復常○乙巳以從五位上佐  
伯宿禰春海為刑部少輔從五位下小野朝臣  
永道為左京亮從五位下橘朝臣海雄為右衛  
門權佐從五位下藤原朝臣春罡為常陸介從  
五位下勲七等紀朝臣經磨為信濃權守從五  
位下藤原朝臣諸氏為但馬守右京人勘解由

賜姓

○神位

主典正六位上縣主前利連氏益賜姓縣連倭  
磐余彦天皇第三皇子神八井耳命之後也○  
甲寅奉授筑後国從五位上高良玉垂神正五  
位下○乙卯奉授下野国正五位下勲四等二  
荒神正五位上餘如故○丁巳三品高津丹親  
主薨遣從五位下美志真王從四位下坂上大  
宿禰清野從五位下藤原朝臣氏宗從五位下  
林朝臣常繼監護喪事親王者桓武天皇第十  
二皇女納從三位坂上六宿禰刈田麻呂女從

高津丹親王薨

百濟王慶仲卒

五位下金子所誕也嵯峨太上天皇踐祚之初大同四年六月授親王三品即立為妃未幾而廢良有以也○庚申從四位下百濟王慶仲卒慶仲者百濟氏中適用之人也雖非大器有吏幹聲出為武藏守入任民部大輔世人謂為有詹公之術衆人漁者與慶仲臨川沉緡魚之噉喙專吞慶仲之鈎瞬息間引得百餘隻又諸大夫中以壯健稱嘗自東國入都路到渡頭爭船處有傑黠人率黨而來驅逐諸人不許俱渡諸

人畏之不敢抗論慶仲一揚鞭打之額皮剝無而覆面惑而仆伏其黨亦退諸人大悅棹舟競渡○己巳勅頃者時雨不降農夫輟耕如非禱祈恐傷嘉苗宜奉幣松尾賀茂乙訓貴布禰岳水住吉兩師神令祈甘雨兼防風災△五月庚午朔從五位上藤原朝臣宮房為治部大輔從五位下清瀧朝臣河根為民部少輔外從五位下大岡宿禰豐繼為主稅頭從五位上藤原朝臣菊池麻呂為刑部大輔○壬申詔曰天。

奉幣

除目

皇我詔旨爾坐掛畏支神功皇后乃御陵余申

賜開止申久頃者在肥後國阿蘇郡神靈池無故

涸滅卅丈又伊豆國余有地震之變乍驚問求

禮之災及兵事可有申自此之外余毛物性波早疫亦多依此左右余念行余掛畏支神功

皇后乃護賜比助賜余依天無事久可有止思

食天參議大和守從四位下正躬王乎差使臣

奉出狀乎聞食天天皇朝廷乎無動久大坐米

國家乎平遣護賜比助賜止倍恐美恐三申賜止久

申須是日遣宣命使於山科柏原兩山陵寒崇

焉大和國正六位上縵連道繼授外從五位下

以輸私稻四萬束助國用也重奉神功皇后御

陵宣命曰天皇我詔旨止掛畏支山陵余申賜

倍止申久頃者涉旬天不雨波佐流如有崇天河卜

求禮山陵余奉遣太例貢之物關急禮崇見由

香椎廟毛同為崇賜登倍理申勢驚而尋檢余所

司申久自去年以往兩年間荷前乃使輒久陵

戶人余付奉遺志與不必供致毛在可止无疑布

申今恐畏天將來波不余然天負令進致武香

叙位

十一

推廡毛余當遣專使謝申武差參議從四位上和

氣朝臣真經謝申祈申狀乎平久聞食天時毛

換須左甘雨零賜止倍恐美恐美申賜止倍申是夜

除目

曉雨降○壬午以從五位上佐伯宿禰春海為

治部大輔從五位下藤原朝臣關雄為刑部少

輔從五位下安倍朝臣濱成為宮內少輔從五

位下藤原朝臣氏範為典藥頭從五位上藤原

朝臣宮房為丹波守○癸未請名僧於八省院

讀經禱雨是日雨降○己丑遣從四位下勘解

由長官和氣朝臣仲世奉幣八幡大神及香推

廟是為令寶位無動國家太平也勅修福滅罪

佛道是先傳法興教人倫為本如聞諸國定額

寺堂舍破壞佛經曝露三經檀越無心修理頃

年水旱不調疫癘間發靜言其由恐緣彼咎宜

重下知五畿內七道諸國修理莊嚴定額寺堂

舍并佛像經論今須每寺立可修理之程并朝

集使言上習常不革並處重科○乙未以勘解

由長官從四位下和氣朝臣仲世為兼豐前守

大祓除服

○丙申會諸司於朱雀門大祓為除後太上天  
皇之服也△六月庚子朔天皇御紫宸殿賜宴  
侍臣以上一品葛原親王右大臣正三位源朝  
臣常殊賜御衣一襲自外賜祿有差是日勅頃  
者甘雨屢降苗稼滋茂此則修善之功時致感  
應宜令內外諸道准去四月二日格旨迄于秋  
收国司講師率国分僧轉讀金剛般若經令祈  
豐年○庚戌武藏守從四位下正道王卒正道  
王三品中務卿恒世親王之一男也緣後太上天

正道王卒

天皇之付屬今帝亦鍾愛具見於上去年正月  
拜武藏守不終秩而卒時年廿○辛酉詔曰天  
皇我詔旨止掛畏支伊勢度會乃五十鈴之川  
上余坐大神乃廣前余申賜倍申久先余肥後  
国阿蘇郡余在流神靈池常與涸竭卅丈又伊  
豆国余有地震之變是乎卜求禮旱疫及兵事  
可有止卜申自此之外母物恠亦多依此天左  
右余念行余掛畏支大神乃護賜比矜賜余依  
天無事天可有止思食天令擇吉日良辰氏大



監物從五位下嶋江王中臣民部大丞正六位  
上大中臣朝臣楯雄等乎差使天禮代乃大幣  
乎令捧持天奉出此狀乎聞食氏國家乎平久介  
有志天皇朝廷乎寶位無動久護賜比助賜止  
恐美恐毛申賜止申又遣使於賀茂御祖社祈  
申亦同焉△秋七月己巳朔癸酉詔曰上玄無  
私運神功而下濟至人忘己推聖德而敷仁是  
以四眈未又舜貽沉首之憂一物有違禹發帖  
危之軫朕膺丕命祇守宗祧詢萬祀而停飡睠  
人瘼而失寐而惠化國乎至道猶鬱咎徵之戒  
不言而臻如聞伊豆國地震為變里落不完人  
物損傷或被厭沒靈譴不虛必應糝政瞻言往  
躅丹媿于懷傳不云乎人惟邦本々固邦寧朕  
之中襟諒切字育故今殊發中使就如慰撫其  
人居散逸生業陷失者使等與在所國吏勘量  
除當年租調并開倉賑救助修屋宇淪亡之徒  
務從葬埋夫化之所被無隔華夷惠之攸單必  
該中外宜不論民夷普施優恤詳暢寬弘之愛

賜姓

電如碁子

副朕推溝之懷○甲戌左兵衛府駕輿丁町西北角失火燒損百姓廬舍卅餘烟驅追行人令撲滅矣○己卯右京人六世御津井王是雄王眞雄王国雄王本吉王淨道王稻雄王多積王安富王伊賀雄王三輪女王坂子女王七世新男王春男王三守王並雄王等十六人賜姓有澤真人一品長野親王五世孫正六位上乙雄王之男孫也○癸未震于大極殿東樓南角柱兩電大如碁子是日令造伊勢齋丹親王離宮

奉幣

陰目

以伊勢尾張兩國正稅稻充料○戊子天皇御紫宸殿令左右近衛兵衛相撲○己丑勅令五畿內七道諸國奠幣名神務祈嘉穀○甲午天皇御八省院奉幣帛於伊勢太神宮以祈豐年○丙申以參議正三位源朝臣信爲武藏守左衛門督如故△八月戊戌朔辛丑假河內國讚良郡大領從七位下茨田勝男泉外從五位下以國司褒舉也復假相摸國高座郡大領外從六位下勲八等壬生直黑成外從五位下代貧

神名云香美部  
大川上美良布神社  
長岡郡石土神社

官社

民填進調布三百六十端二丈八尺庸布三百  
四十五端二丈八尺正稅一萬一千一百七十  
二束二把給飢民稻五千五百四束戶口增益  
三千一百八十六人就中不課二千九百四十  
七人課二百三十九人仍裒其身也以土左國  
美良布神石土神並預官社○丁未釋奠也公  
卿就大學行事○戊申天皇御紫宸殿召大學  
博士學生等令論難昨所講孝經之義訖賜祿  
有差○丙辰以太宰府曹百四口充對馬嶋兼

除目

神位

充防人○辛亥從五位下石川朝臣宗益為大  
藏少輔○戊午奉授阿波國正八位上天石門  
和氣八倉比咩神對馬嶋無位胡祿神无位平  
神並從五位下勅曰聞下太宰府驛傳官符并  
彼府言上解文路次諸國長門關司等每各院  
見縱國裏機急境外消息不可必令萬民咸知  
而解文委曲未來京華下符辭狀無達宰府載  
記之旨諠譁民間途說之輩滿溢內外寔是專  
輒閱見所致之漸也宜告山陽道諸國司更莫

土佐國建新郡

令然亦四畿六道之內指一箇國所下之符同  
無令開○庚申改土佐國貢納調庸期定為正  
月土佐國吾川郡八鄉各分四鄉建二郡新郡  
号高岡郡司者分元四負各置二負○丁卯雨  
水殊甚奠幣雨師以祈止雨無品安濃內親王  
薨不遺葬使為彼家早葬也親王者桓武天皇  
第四皇女也母多治比氏參議從三位長野真  
人之女贈正二位真宗真人是也△九月戊辰  
朔有洪水漂流百姓廬舍京中橋梁及山崎橋

安濃內親王薨

洪水

神位

盡斷絕焉○丙子天皇御紫宸殿安公卿已下  
文人已上同令賦鳩化為鷹之題宴訖賜祿○  
丁丑以加賀國勝興寺為國分寺准和泉寺國  
只置講師一負僧十口其僧者便分割越前國  
國分寺僧廿口之內△閏九月戊戌朔奉授正  
五位上丹生川上雨師神從四位下勲八等無  
水神從五位下餘如故○乙巳擇諸司史生及  
長上年七十已上者四人補外國權史生矜耆  
老也○庚戌以河內國丹比郡驛家院倉八字

除目

篁授位事

除目

笠廣庭卒

屋二字遷建當郡日根野為正倉○辛亥請僧  
 廿口沙彌廿口於常寧殿二箇日令讀經謝物  
 恠也以從五位下石川朝臣宗益為治部少輔  
 從五位下高階真人清上為兵部少輔從五位  
 下藤原朝臣安永為大藏少輔○乙卯授无位  
 小野朝臣篁正五位下下詔曰篁雖期奉国猶  
 悔失農朕願惟舊且受文才故降優貫殊復本  
 爵○己未散位從四位下笠朝臣廣庭卒○甲  
 子以宮内少輔從五位下安倍朝臣濱成為大  
 藏大輔從五位下藤原朝臣安永為宮内少輔  
 伊勢權介從五位下菅原朝臣善主為介從五  
 位下惟良宿禰負道為播磨權介圖書頭如故  
 伯耆國八橋郡人陰陽博士正六位下春苑宿  
 禰玉成母曾禰連家主女姊妹男女等一烟改  
 本居貫附右京三條一坊△十月丁卯朔天皇  
 御紫宸殿宴于侍臣親王已下五位以上歌舞  
 庭中日暮賜祿有差○己巳制延曆廿三年格  
 權任之人不異正任年分全給理合一同又弘

受西條類聚  
三代格第八官  
符之文有

仁十一年格傳令云諸祿並依日給京官據詔  
書出日外官據籤符到給之者今賞之所行理  
無偏頗獨給全給事亦通猷宜不論權正據籤  
符到給之其間公廨遍共給之○庚午天皇不  
豫遣使誦經都下七寺及平城七大寺焉置民  
部省扶省掌二人○辛未聖躬平復○癸酉勅  
允貢調之期輸物之品詳見令條違期之科嚴  
惡之罪亦明格文而諸国司朝委未允怠慢多  
端或矯言桑麻規避麁惡或請驗路次巧稱還

除目

留是則徒設條章曾不遵行之所致也宜殊下  
知五畿內七道諸国太宰府改已往怠令慎將  
來又路次之國不存公平偏任請託輒效逗留  
之狀自今已後不得為然○辛巳正五位下小  
野朝臣篁為刑部大輔從五位上藤原朝臣菊  
池磨為大藏大輔○癸巳聖躬不豫分遣使者  
誦經都下七寺皇太子親王以下五位已上就  
左右陳頭候之○乙未詔曰天皇我詔旨止掛  
畏支柏原乃御陵亦申賜止開申久頃者御病發

朔旦又立

天惱苦比大坐依此天卜求禮掛畏支御陵乃  
木伐并犯穢流崇有利讀經奉仕波無咎久可  
有止卜申乍驚恐畏流狀乎差使參議從四位  
下大和守正躬王右近衛中將從四位上藤原  
朝臣助等天申奉出卜申我已讀經毛令奉仕  
又巡見檢天犯狀乃隨尔山陵守等乎勘賜牟  
此狀乎平久聞食天護賜比矜賜尔依天所苦  
平痊天國家無事久可有止恐美恐毛申賜止久  
申△十一月丁酉朔是朔且冬至也公卿上表

丙辰條可入  
冬五條下

慶賀○壬寅彗星見西方○乙卯天皇御神嘉  
殿行神事下丙辰詔曰賦象不忒九玄施仁與  
物為春一人救世故能功高振古軒黃之化允  
諧事美傳遐年勛華之業逾峻朕以寡昧忝臨  
黎苗撫事息憊每深懷抱迺者有司奏言今年  
十一月朔且冬至當天統之嘉數發無賜之不  
基歷駕說而希聞存上德而演貺夫乾鑿玄遠  
必感聖荃願朕菲虛何可靈騰故今思與天下  
共斯休祉自美和八年十一月廿日昧爽以前

徒罪以下不論輕重一從免除但八虐故殺人  
謀殺人強竊二盜私鑄錢常赦所不免及欠負  
官物之類不在赦限若以赦前事相告言者以  
其罪罪之其門蔭久絕及功才早著者特加榮  
弊或暢寵光内外文武官主典以上進爵一級  
在京正六位上諸吏及史生直丁以上宜量賜  
物庶施愷澤於萌俗答嘉貺於昊穹布告遐邇  
俾知朕意是日天皇御紫宸殿宴于百官詔曰  
天皇我詔旨止良万勅大命乎衆聞食止宜朔且

冬至波歷代天希尔值王者休祥奈朕我以不  
德天今尔得值利太朕而已夜此嘉備卿知太百  
官人止天下乃公民尔至天相賀部之止所念  
行須故是以仕奉狀乃隨尔上治賜不人毛在  
民乃中尔治賜人毛一二在又諸司乃主典與  
以上人尔冠一階上賜比又司乃人止毛至  
万天大物賜比又天下徒罪已下人毛止免賜止久  
仁勅大命乎衆聞食止宜授四品葛井親王三品  
正三位源朝臣常從二位從三位橘朝臣氏公

敬



卷五之條  
可入於西辰  
之上

藤原朝臣經繼並正三位從四位上文室朝臣  
秋津正四位下從四位下高枝王從四位上无  
位茂世王從四位下從五位下近棟王大川王  
並從五位上正六位上善永王葛城王並從五  
位下從四位下和氣朝臣仲世伴宿禰友足橘  
朝臣永名紀朝臣名虎並從四位上從五位上  
高階真人石河藤原朝臣負主並正五位下從  
五位下藤原朝臣豐嗣藤原朝臣諸成藤原朝  
臣高房菅野朝臣永岑縣犬養宿禰廣濱田口  
朝臣房富御船宿禰氏主藤原朝臣良相並從  
五位上外從五位下善友朝臣豐宗正六位上  
在原朝臣行平藤原朝臣關主藤原朝臣高直  
大中臣朝臣粟磨秋篠朝臣五百河藤原朝臣  
岳雄橘朝臣仲村曆巨勢朝臣康則並從五下  
正六位上名草宿禰豐成壹岐公氏成多朝臣  
清繼和邇部臣真行善世宿禰豐永秦忌寸福  
代並外從五位下宴訖賜祿有差上癸丑山城  
国相樂郡兼陸田三町賜橘朝臣清子世○丁巳

琴星猶見是日授正三位百濟王慶命從二位  
 无位阿女子王從五位下從四位下攝朝臣井  
 手子正四位下无位源朝臣潔姬正四位下從  
 四位下當麻真人浦宗從四位上從五位下飯  
 高朝臣姊經從五位上藤原朝臣潔子並正五位下  
 无位田口朝臣真仲管生朝臣咎並從五位下  
 △十二月丙寅朔丁卯攝津國地三百町為後  
 院牧○甲戌外從五位下興世朝臣高世為大  
 膳亮從五位下善永王為豐後守○壬午勅請

僧百口於八省院限三箇日讀大般若經殊令  
 內記作咒願文同令五畿內諸國讀之迨于事  
 畢禁斷殺生為琴星屢見也○甲申修日本後  
 紀訖奏御是日攝津國請停任讀師許之○丁  
 亥長門國言渤海客徒賀福延等一百五人來  
 著○庚寅以式部大丞正六位上小野朝臣恒  
 柯少外記正六位上山代宿禰氏益為存問渤  
 海客使○辛卯置主計主稅二寮各掌各二負  
 元興寺僧傳灯大法師位守寵卒守寵俗姓佐

伯氏讚岐國人法相宗僧正護命之資流也延  
曆廿四年得度具戒能說護法之道獨作論議  
將化去時年五十有八

續日本後紀卷第十

